

YÜNGA NGÜ 41

1. Me mgbu a ro meo fu wu kpara ne te ngu ne?

-Teku akuwa uwu.

2. Me le ta de Jonah magbu Nineveh ne tengu ne?

-Ke e te me ele wu kpara ka Nineveh ne.

-Tengu me le ta afowo wu kpara ka Nineveh ka wu sitingu, ka kpi deka Satana.

3. Johan kpe ta ne ka ne?

-Jonah kpe ta ka ete ungu le ta an nu agbu to ka Nineveh de ne.

4. Johan le ta anu agbu to ka Nineveh de ne ka ne?

-Ka e te wu kpara ka Nineveh ta de wu siti kpara ne.

-Ka e te wu kpara ka Nineveh ta de aza gu kawu Israel ne.

-Ka ete Jonah le ta de Me fowo wu kpara ka Nineveh de ne.

5. Jonah ti ta eyi akpe ka me?

-Abala de.

6. Jonah ti ta eyi awo teye ka me?

-Abala de.

7. Jonah ti ta eyi azi teye ka me?

-Abala de.

8. Te Jonah je ta ri me teka a nu agbu Nineveh de ne, me mere ta ne e ne?

9. Jonah ra ta gufu mere si ne fe?

-Ra bata de biti kpa bata.

10. Jonah ti ta eyi a fowo teye gufu mere si la?

-Abala de.

11. Kpara ta te ti a fowo Jonah de da?

-Ade me.

12. Wu kpara 'buru baka Jonah ne baye?

-Bu baka ta te Jonah ti a fowo teye gufu si la de ne, wu kpara 'buru ti a fowo te uwu ka wu siti ngu ka uwu de, ka kpi de esaka Satana de.

-Bu baka ta te me ti ta a fowo Jonah maye ne, me ti a fowo wu kpara 'buru maye.

13. E ta te me mere ö Jonah mala eyi ga ni basa ta ri me eyi fini aduru ekutu me ne tane e ne?

-Me mere ta de mere si la zi Jonah k öt ö edere ngu.

14. Fu tanga te te me fowo Jonah ne, me mala ta eyi fu Jonah ga aya nu agbu Nineveh de?

-Abla de.

-Me fu teye nda de.

-Me fu teye nda ku de.

-Me le ta fi ga Jonah nu agbu Nineveh.

15. Wu kpara ka Nineveh je ta ngu ta te Jonah mala fu uwu ne ta eyi?

-Wayi.

16. Wu komoko ta te Me siya uwu de wu mgbu de wu kpara ka tima kaye, dewu mala ri me fu wu kpara ne ta dewu da?

-Wu Nebi.

17. Wu Nebi emala ta fu wu kpara ga ne?

-Ga wu che kaji ka siti ngu, de uwu za kaji ka Me.

18. E te ena amere te wu ngu wa wu Israel de njukpa la che kaji ka sitingu fu uwu a za kaji ka me de la ne ene?

-Me ene tima ta wu Assyria de wu za esaka nguwa wu Israel de njukpa la fu uwu amere uwu de wu kpara ka tima ka uwu.

19. E te ena mere ta fu wu nguwa wu Judan de 'bnosu la te wu che kaji ka sitingu fu uwu aa kaji ka me de ta ne e ne?

-Me ena tima ta wu kpara ka babylon de uwu za esak wu nguwa wu Judah de 'bosu la, fu uwu amere uwu de wu kpara ka tima ka uwu.

-Baka ta te ata eyi wu bi re te me mala ta ga nina atima kpara ka kuwa ne, to me iri ta eyi de atima?

-Abala de.

-Me mala ta fu wu Adam ake Eva ga nbina ta atima kpara ka kuwa.

-Me mala ta fu wu Moses de wu Israel ga ni ta atima kpara ka kuwa.

-Me mala ta fu miri David ake miri Solomon ga nina ta atima muru kuwa.

-To me iri ta te ngu te ungu mala ga nina atima muru kuwa ne nda de.

-Baka ta te wu Israel le ta me de ne, Me che ta de atima muru kuwa eyi?

-Abala de.

-Te wu Israel le ta Me de ne, Me le ta fubu atima muru kuwa tengu ne?

-Tengu Me le wu kpara 'buru.

-Tengu Me le ta akuwa wu kpara 'buru ka wu sitingu, ka kpi deka Satana.

-Tengu me le de wu kpara nu gbu mere wa de fi bedi nda de.

-Kpara te me to ri ye fefe te ke muru kuwa te ena koro ne ta de da?

-Wu Nebi.

-Wu ba wu ngu de teka makoro muru kuwa ne ta kaye te me tota fu wu Ne Nebi ne?

-Agbu kichikpa ka me, de Biblia.

-Ö Me tima la muru kuea ne de la ne, fu me ta akreke wu ngu te ngungu te ena amere ‘buru.

-Me mala ta tengu muru kuwa te ungu etima ungu la ta ga ne?

Ni Tanga La Isaiah 9:7a

7a-Ka ete wawazi ena di mere e de, gu su ne, adudu ti adi de. Ana amgb fu kiti ka David de miri, te ena amgbu acheka wu kpara ‘buru biringbo de zuka ngu chichi ne za fi bedi.

-Me mala ta ga muru kuwa ma’da ena amgbu de kundu ye David, engu ena amgbu de miri fi bedi.

-Gara ngu ta te me mala teka muru kuwa te ungu etima ungu ne ta ga ne?

Ni Tanga La Isaiah 7:14

14-Jeji werese tewu la ngu ka wu komiko de ena amgbu de buye fa ayaka mbarese fu uwu agu iri na de Emmanuel.

-Me mala ta ga woyi muru kuwa la de nina ena di ta ma, wuna ayaka ungu tu werese te wungu kauw komoko la de la.

-Gara ngu ta te me mala teka muru kuwa te ungu etima ungu la ta ga ne?

Ni Tanga La Micah 5:2

2-“Deyi, wu Bethlehem Ephrathah, baka te yi de chuku’de ne, mere kpara ena akoro etuyi fu Israel, ungu ena akoro gbu wu diri ngu.”

-Me mala ta ga muru kuwa ma’da wu na yaka ta ungu agbu Bethlehem.

-Gara ngu ta te me mala te ngu meur kuwa la ta ga ne?

Ni Tanga La Hosea 11:1

1-“Ta te Israel la mbarase ne, ma le ungu, fara ta a ei ungu ag bu Egypt.”

-Me mala ta ga nina a ei mur kuwa la gbu Egypt.

-Gara ngu ta te me mala teka muru kuwa la ta ga ne?

Ni Tanga La Isaiah 11:2

2-Njila kur ena ati fefe njila kuru ka wu ngu, de ka je ngu, kuru te eto riri, kuru ka yuga ngu de nda kpe churu me.

-Me de njula kuru ena ati ta fefe engegira nu maye.

-Gara ngu ta te me mala teka muru kuwa te ungu etima ungu la ta gane?

Ni Tanga La Isaiah 53:4-5

4-Ungu ena aza wu keke de wu wazi ma kani de wu chinga kani, ni wu ungu baka kpara te me tima ungu maye, areke ungu de wu mbuwusa ‘buru fefe.

5-Wu so ta ungu teka wu sitingu keni, wu mbuwusa ungu teka wu duru kani; mbuwasa te koro de gu su fu ni ka kaka reke ni maye.

-Gara ngu ta te me mala teka muru kuwa te ungu etima ungu la ta ga ne?

Ni Tanga La Psalm 41:9

9-Awu ba kara te mak, wu ta ungu mareke de ne, te mazu wu e akidi ne, che ra.

-Me mala ta ga muru kuwa ma'da zuka awuba kaka ena si ungu ta maye.

-Gara ngu ta te me mala tengu meur ku8wa te ungu tima ta ungu ne taga ne?

Ni Tanga La Zechariah 11:12-13

12-Fara amala fu uwu ga, “te mu fi ga ambi, mu to se kara; ta abla de la, de mu che.” Fu uwu ta ato teke biri de fuye njuka fere.

13-Fu Me amala fefe ga, “Mu so ungu fu kpara te fa sila” suka bi te wu se ra tete! Fara ta aza tiki biri de fuye njukpa la ta aso agbu kambu ka me fu kpara te efra sila ne.

-Me mala ta ga wuna ase ta muru kuwa ma'da ka tika biri de fuye njukpa.

-Gara ngu ta te me mala teka muru kuwa te ungu etima ungu la ta ga ne?

Ni Tanga la Psalm 27:2

2-Te wu siti kpara ekoro ta teka a zufa ra ne, te wu ezi gu ra le amere e de ra la, wuna ado lowu fu uwu ati.

-Me mala ta ga wu ena asu wu ekutu muru kuwa ma'da.

-Gara ngu ta te me mala teka muru kuwa te ungu etima ungu ne ta ga ne?

Ni Tanga La Isaiah 50:6

6-Ma che ta kurufu ra fu wu kpara te tewu I mi ra, edere mo ra fu uwu ta te uwu eza aza emazu kara; ma wota ja ra ka wu suru de uwu ta te uwu e mu ra ne de.

-Me mala ta ga wu kpara ena mi ungu di a su suru tete.

-Gara ngu ta te me mala teka muru kuwa te ungu etima ta ungu ne ta ga ne?

Ni Tanga la Isaiah 53:7

7-Wu mbuwusa ta ungu amal ga amere sitingu, a u ta gomu ye de; wu za ta ungu baka kabiliki te uwu a nu amoro la, anu ta engegira wu kpara teuwu eza ta anu awa ungu baka kabiliki te ro mo de ne, a u gomu ye tade.

-Me mala ta ga muru kuwa la ti ta anala ngu de baka ta te uwu su su tete ne.

-Gara ngu ta te me mala teka muru kuwa te ungu ta atima ungu ne ta ga ne?

Ni Tanga La Isaiah 53:3

3-Wu le ta ungu de fu uwu amala ga ade sit kpara, muru chinga,awu mbuwusa ta ku eyi. Baka kpara de wu kpara e wo ta je wu esakana a wo, wu kpe ta chuchuru de, wu ga a siti.

-Me mala ta ga wu Jew ana a asi tengu ngu (muru kuwa la).

-Gara ngu tate me mala teka muru kuwa ta te ungu etima ungu ne ga ne?

Ni Tanga La Psalm 69:4

4-Wu kpara ta te uwu le ra de ne, fa ta Bi njora; Bi uwu le ra de bu ku kuru wu le ta a moro ra.

-Me mala ta ga wu kpara ena asi ta te te bu kukuru bala.

-Gara ngu ta te me mala teka muru kuwa la ta ga ne?

Ni Tanga La Psalm 22:16

16-Wu buru koro eyi ederea ‘buru; bi wu siti kpara ni ra eyi ‘buru wu bere wu kpara de wu lo ra eyi ‘buru.

-Me mala ta ga wu kpara muru kuwa ni de wu lolo ‘buru wu na abere.

-Gara ngu ta te me mala teka muru ku wa te ungu etima ungu la ta ga ne?

Ni Tanga La Psalm 22:18

18-Wu baya ta bongo kara ezimgba uwu , fu uwu aso gumari de bongo kara.

-Me mala ta ga wu kpara ena aso guma ri de bongo kaka.

-Gara ngu ta te me mala teka muru kuwa te ungu etima ta ungu ne ga ne?

Ni Tanga La Psalm 22:6-7

6-Ma de ru, ma de komoko de, wu kpara amala ngu fere, wu kpara emala ga ma esiti.

7-Mu kpara tewu cheka ra ‘buru mu ra, asoko ra de a yika nji wu:

-Me mala ta ga wu kpara en ta a mu muru kuwa ma’da, de a soko ungu.

-Gara ngu ta te me mala teka muru kuwa te ungu ta eimjt ungu ne ga ne?

Ni Tanga La Isaiah 53:12

12-Ma na ato su fefe ezimgba wu chogboro wu kpara, wuna fi zimgba uwu te uwu duru ne de uwu te uwu de wozi ne, ka ete ungu to teye ta ka wu siti ngu. Aza ta siti ngu ka bi wu kpara fu ungu ato fete fu uwu te wuw de de mere tiri wu e fu uwu ne.

-Me mala ta ga muru kuwa la ena akpi ta de wu siti kpara.

-Gara ngu ta te me mala teka muru kuwa te ungu atima ungu ne ta ga ne?

Ni Tanga la Isaiah 53:9

9-Wu ö ta ungu gbu mbuku de wu sili kpara, de wu kpara te uwu de dewu e gbe ne gbura te ungu kpi ta ne, baka tate ungu mere siti ngu de ne, afiti ta wu kpara nda kpa de.

-Me mala ta ga wuna a ö ta muru kuwa ne ta de wu kpara te uwu di de wu e.

-Gara ngu ta te me mala teka muru kuwa te ungu etima ungu ne taza ne?

Ni Tanga La Psalm 16:10

10-Ka ete mu ti a chera de, mu le kpa de njila kpara kamu zi de ne.

-Me mala ta ga muru kuwa la ena ta a zuku agbu kpi.

-Gara ngu tate me mala teka muru kuwa ta te ungu atima ne ta ga ne?

Ni Tanga La Psalm 68:18

18-Baka ta te mu akoro de miri ne, mu za ta wu kpara de mu.

-Me mala ta ga muru kuwa la ena du ta agbu kpi.

-Ö me tima la ta muru kuwa la de ne ungu reka ta wu e'buru te ena amere fefe eyi 'buru.

-Wu Nebi mala ta ngu fu wu Israel teka muru kuwa te me ena ta atima ne.

-Wu Nebi mala ta kpa fu wu Israel ga wu che kaji ka siti ngu de uwu za kaji ka siti ngu de uwu za kaji ka me.;

-Bi wu Israel je ta ngu te wu Nebi mala lu uwu la eyi?

-Abala de.

-Wu Israel mere ta fu wu Nebi ka me ne e ne?

-Wu moro ta uwu.

-Wu Israel moro ta wu Nebi ka me ne tengu ne?

-Kaetewu Nebi ka me mala ta fu wu Israel de wu che kaje ka sitingu de wu za kaje ka me ne.

-Ka e tate wu Nebi ka me mala ta fu wu Israel ga meena a moro uwu ka wu sitingu ka uwu ne.

-Ka e te wu Israel le ta wu sitingu ka uwu ne, wu le ta aje ngu ka me de.

-Te wu Israel le ta aje ngu ka wu Nebi ka me de ne, wu le ta aje ngu kawu da?

-Wu Nebi ka fiti.

-Wu Nebi ka fiti emala ta ga ani de wu Nebi ka me amba de wu ka uwu wu nebi ka Satana.

-Wu Nebi ka fiti emala ta ga Me ti amere e de wu kpara ka wu sitingu ka uwu de.

-Wu Nebi ka fiti emala ta ga ani emala zu ngu ka me ne, wu emala ta ne e ne?

-Wu ka Satana.

-Kpara te e ro ta mo etu wu Nebi ka fiti ta de da?

-Satana.

-Satana la eletiki ne la fi a ro mo wu kaye tu wu kpara?

-Wayi.

-Satana emal etu wu kpara ga wu ya nu fu tanga Me de.

-Satana emala etu wu kpara ga wu za kaji ka wu kundu uwu.

-Satana emala fu wu kpara ga uwu eya aje ri me de.

-Satana emala fu wu kpara ga ngu ka me de zu ngu de.

-Satana emala fu wu kpara ga me emere e de.

-Te wu Israel mgbu ta aku gba fu wu kuru e ne, wu mgbu ta kpa aku gba fu me esa kambu kaka?

-Weyi.

-Me je ta gba ka wu Israel te uwu ekuta gba fu wu kuru e te uwu reke de kpawu, fu uwu ta kpa aku gba fu me ta eyi?

-Abala de.

-Aje ta de ne ka ne?

-Tengu me wu ta kpo ga wu ku ta gba timi bu de komu wu.

-Tengu me wu ta ga wu ku gba fu fu wu kuru ka uwu fa gbu maguma wu.

-Kpara te wü wu ngu teka ni 'buru de da?

-Ade da?

-Ade me.

-Me e cheka su gbu maguma ni 'buru.

-Me mala te ka maguma ni 'buru ga ne?

-Me mala ga maguma ni 'buru de wu siti ngu gbuye.

-Baka ta wu Israel ekuta gba fu wu kuru e ne, wu kpara ta ladu te uwu eku gba bu fu me?

-Wayi.

-Wu ta gbe de.

-Wu Israel te ku ta gba bu fu me ne echi ta nga ne ene?

-Wu echi ta nga me de ungu tima muru kuwa.